


მშვენიერი პატრონები

იუმორისტ.
ჟურნალი

№ 23

რ ა ბ ა - ს ო ფ ლ ა რ



ავათმყოფთა ჭირისუფლები. ბატონო უნდა წაგვეყვე რამე ნაირად. ავადმყოფი უკანასკნელ მდგომარეობაშია.

ექიმი. მე ცხენით მთა-ღრეში სიარული არ შემიძლია. მოიყვანეთ ფაიტონი.

ჭირისუფლები. ფაიტონის გზა არა გვაქვს შე-

ნი ქირიმე.

ექიმი. გზასაც მე ხომ ვერ გაგიკეთებთ. ყველა კულტურულ ქვეყანაში და ქალაქებშიაც გზებს აკეთებენ. ავთ გახთომა თუ იცით, გზის გაკეთებაზედაც უნდა იზრუნოთ. მე ათასჯერ მითქვამს, რომ რაღაც ქონიანი სამ მანეთიანისთვის თქვენს ჯახრიკას კისერს ვერ მოვატენინებ და გულ-ღვიძლს ვერ ჩავაწყვეტინებ მეთქი. ყველა კულტურულ ქვეყნებში... (განმეორება მეორმოცე გზის).

ჩვეულებრივი ბოლო. ვიდრე ბ-ნი ექიმი გზების საჭიროებასა და კულტურის შესახებ ლექციას კითხულობს, მოდის მესამე გლეხი, რომელიც აცხადებს: ექიმი საჭირო აღარ არის, ვინაიდან ავადმყოფი გარდაიცვალაო.

როგორი უნდა იყოს მგოსანი ბალმონტის დღიური ქართველების შესახებ.

ოკეანე. 19... წელი. დიდი დაუდევარი ხალხი ვართ ჩვენ, რუსების ვილაც ინგლისელი მოგზაური მოდის, ჰკრებს მარგალიტებს ჩვენი ქვეყნის გულიდან, რომ მით განამშვენებოთ თავისი სამშობლო, თავისი ისედაც მდიდარი მხარე ჩვენ კი...

ოკეანე.. ღმერთო ჩემო, რა მარგალიტები... რა მშვენებობა ყოფილა ეს „ვეფხის ტყაოსანი“. ნუ თუ რუსის საზოგადოება არ უნდა იცნობდეს მას? ნუ თუ ჩვენი ქვეყნის მარგალიტებს ჩვენ უცხოთაგან უნდა ვითვისებდეთ?

ოკეანე.. დღეს გადავწყვიტე: როგორც კი რუსეთში დავბრუნდები, საქართველოს ვინახულებ. ჩემის თვალთ ვნახავ იმ მშვენებერ ბუნებას, ლალსა და მომხიბლავს. ვნახავ და ახლოს გავიციო ამ ნიჭიერ ხალხს; იმ ხალხს, რომელმაც წარმოშვა ესოდენ ბუმბერაზი მგოსანი.

რუსეთი. მგონი შემისრულდეს ჩემი დიდი ხნის სურვილი. რაც უფრო ახლოს ვეცნობი ამ ინგლისურ თარგმანს, მით უფრო მეტად მიტაცებს სურვილი საქართველოს ნახვისა. ქართველი ხალხი! ოჰ რა მშვენებერი და მომხიბვლელი უნდა იყვენ

ასულნი ივერიისანი. ტინატინ, ტინატინ, ავტანდილი!

ხვალ მივდივარ.

თფილისი 1 ოქტომბერი. ღმერთო, რა მშვენიერი ბუნება, რა მშვენიერი მზე, რა მხიარული ცა! ეს ქეშმარიტათ ის აღთქმული კუთხეა, სადაც აღიზარდა დიდი შოთა, შოთა რუსთაველი.

ბუმბერაზი მთები, ცად აბჯენილნი, ამაყი კლდეები, მრისხანე მდინარენი და ბნელი, ჯურღმული ხეობანი ერთი მეორესა სცვლიან, ერთი მეორეს ამკობენ, ასურათებენ. როგორ შეიძლება ასეთ ბუნებას არ აღეზარდა დიდებული მგოსანი და კვლავ არ ესხას უმეტეს დიდებულნი.

ოჰ, რა მალღიერი ვარ ბედისა, რომ წილად მარგუნა საკუთარი თვალთ მენახა ამქვეყნიური ედემი, საკუთარის სუნთქვით მესუნთქა ნაზი ზეფირი სამღრთო სურნელებით შენახავები, საკუთარი ყურით მესმინა მსოფლიო ნანა მთიდან გადმოჭრილ სიოსი...

2 ოქტომბერი. (დილა) დღეს გავეცანი გ. რ. დ. და ა. ზ. ყ. აი ნამღვილი ტარიელი, ნამღვილი ავთანდილი. როგორის გრძობით მეაღერსებთან, გულ ღიად, როგორც საქართველოს ცა, სტუმართ მოყვარედ, როგორ ივერიის ბუნება. ორივე საზოგადო მოღვაწენი ყოფილან. ჩემი ავთანდილი თურმე კიდევაც მგოსნობს. აი ეს იქნება უთუოდ ახალი შოთა, შოთა შომავლისა.

2 ოქტომბერი (სადამო). ცოტა არ იყოს ამ გ. რ. დ. თავი მომაბეზრა. რაღაც დამჯდარი ქკუისა არ უნდა იყოს. მაგრამ ტარიელიც ხომ არ იყო ამ რიგათ დარბაისელი. ყოველ შემთხვევაში დიდი სიმპატიური ტიპაა. ჩემი ავთანდალი უფრო დარბაისელია თუმცა...

3 ოქტომბერი. არვიცი რა მემართება. ამ ხალხმა ლამის გამიცრუოს იმედი. სად არის ის ქართული არწივისებური ყვილი „მე შენ მიყვარხარ?“ ყველა რუსულად ლაზღანდარობს. ამ გ. რ. -ის თავი ვეღარ დავახწიე. სამი რაღაც დაუწერია და ლამის მზეს ვადაახტეს. ამ ლექციას რაღას გადამკიდეს. წარმოიდგინეთ ავამყოფებიც კი მოსულან. ისეთი ხველა იყო, როგორც „გრგვინვა“ და „გრდემლი“. შოთას სურათზე, რომელიც მე მიძღვნეს, ორასზე მეტ მგოსანს უწერია ხელი. აი ბედნიერი ქვეყანა! ნეტავ ზამდენი მათგანი იქნება დიდებული მწერლის მემკვიდრე, მისი სახელის განმადიდებელი!

ამ ქართველ ქალებს ნეტავ რბსთვის აქებდენ ასე თავგამოდებით! ამდენი მახინჯი...

ვასშამი კი ჩინებული სკოდნიათ. ის ხალხი, ტომელსაც ახალი კლუბი აქვს...

4 ოქტომბერი (ქუთაისი). ღმერთო რა მშვენიერი ქვეყანა, რა დიდებული ნანგრევები!

ეს რა ხალხში ჩავარდი თქვენი ჭირიმეთ. ისე მებვევიან, თითქო იესო მაცხოვარი იერუსალიმში შევდიოდე. ქალაქის თავი, მარშალი, მგოსნები... მაიც რა ჯანდაბაა ამდენი მგოსნები. სოკოც არ იცას ამდენი ჩვენს ტყეებში. დიდი აბეზარი ხალხი ყოფილა ეს ქართველობა. მე მგონია ამათ არაფერი საქმის უნარი არ უნდა ჰქონდეს. მაშ რასა ჰგავს ეგ აურ-ზაური?

ამ გ. დ. სწორედ გამიჭივრა საქმე. არც ტარიელობა მინდა მისი, არც თინათინობა. აყალმაყალი საზოგადოთ მეჯავრება. ვილაც მესტამბე მომიყვანეს დღეს: „შენი თაყვანისმცემელიაო“, თითქო მე კერბი ვიყო. თუ დროზე არ გავეცალე, ესენი უსათუოდ რაღაც ხათაბალას შემამთხვევენ.

ეს ქალაქის თავი ნეტავ რა განძია. ჩემის აზრით ის ფრიდონს უფრო ჩამოჰგავს. ვერ გამიგია აქ როგორ ცხოვრობდა ისეთი დიდებული მგოსანი.

საბრალო კიტა! რა მშვენიერი, არწივისებური ცხვირი ჰქონდა.

თფილისი 7 აგვისტო. ჯერაც ვერ გამოვრკვეულვარ! კაცო, საქართველოში ვარ თუ საგიქეში. მე დამცინიან, თუ თავის თავს, ჭეშმარიტათ ვერაფერი გამიგია. „კულტურის მოყვარულთა საღამო“! ნეტავი რომელი კულტურა არის ესა. ნუ თუ „ვეფხისტყაოსანი“ ამ კულტურულ ნიანდაგზე აღმოცენდა! ნუ თუ ესენი არიან შოთას მემკვიდრენი? არა, არა, ეს ყოვლად შეუძლებელია.

ქართველი მგოსნები!

ქართველი მუსიკა!

ქართული ჰანგები!

არა, მე აქ დიდხანს ვერ გავსძლებ.

ისევე ჩემს ყინულიან ქვეყანაში მიჩვენია.—

იქ თავს მაინც არავინ მამბობს.

ამასაც სიმღერას ეძახიან! მერე როგორ მქონდა წარმოდგენილი ქართული სიმღერა: როგორი ნაზი, ლალი, ძლიერი; ლურჯ მდღელელოსავით მობიბინე და ჭაქა-ქუხილივით მრისხანე. აქ კი ხრინწიანი კატის ჩხავალი, რაღაც უთავბოლო ხრიალი.

8 აგვისტო. ჯერაც გონს ვერ მოვსულვარ.

გუშინ იმ „კულტურის მოყვარულებმა“ მგონი საპატიო წევრად ამირჩიეს და რაღაც ჩემ შესახებაც იქარაფშოტეს. მიკვირს სწორეთ ვერც როდის დაჩაჩანაკდა ეს ერთ დროს სახელოვანი ხალხი. რომ არც ეგ უხვირო ლაქუცი უხდებათ.

წუხელ სიზმარში გ. დ. ვნახე. ხელში სტვირი ეჭირა. გული შემიღონდა და ვითომ მოვკვდი. კიდევ კარგი რომ სიზმარი გამოდგა, აღარ ვიცი ვედირსები ამათვან თავის დახწევას...

აჰა! ვგონებ ასე აჯობებს. ავდგები დილით ადრე და გავიპარები. მაგრამ ჩემოდანი?! ეეჰ, ჯანი გავარდეს ჩემოდანს, დაიკარგოს. უნდა გავიგო მატარებელი რა დროს გადის...

მატარებელში (დილა). ოჰ, რა საშინელი წამება გამოვიარე! სწორეთ ის იყო მატარებელში უნდა შევსულიყავი, რომ სადგურის ბაქანზე შევნიშნე გ. დ., ა. ყ. და გ. რ. ისინი გაფაციცებით დამეძებდნენ. ტანში ქრუანტელობა დამიარა. აღარ ვიცოდი რა მექნა. უცებ დავლუნე თავი და პარიკ მახერთან შევედი. დავჯექ სკამზე. ვუბრძანე მოეპარსა ჩემთვის თავიც, წვერ-ულვაშიც და წარბებიც. დალაქს ელცხოვა, მაგრამ დამთანხმდა. გავიპარსე. სახე სრულიად გამომეცვალა. არხენათ გაველ და ჩემს მეძებრებს ავუარ-ჩამოვუარე. გ. დ-მ სამჯერ ურცხვათ ჩამხედა თვალებში, ბოლოს უაზროდ ჩაიციხა და მომშორდა. ახლა მე ავედევნე და არ მოვეშვი ვიდრე სადგურიდან არ გავაძვევ.

მატარებელში (საღამოს). მადლობა ღმერთს. ძლივს მოვისვენე. მშვიდობით მშვენიერო საქართველოვ, მშვიდობით დიდებული შოთას სამშობოვ, მშვიდობით ჩემო თმებო, მშვიდობით ჩემო ძვირფასო ჩემოდანო.

მდორე დილას. ღმერთო ჩემო, ღმერთო ჩემო! ჩემს ჩამოდანში ამდენი ხნის ნაშრომი ჩემი ძვირფასი თარგმანი დამრჩა. ნუ თუ კვლავ უნდა დავუბრუნდე ჩემს აბეზარ მასპინძლებს, რომ მივიღო ჩემი ხელთნაწერი. რისთვის, რისთვის მეუფეო ამდენი ტანჯვა.

ან იქნებ უმჯობესია ხელ-ახლა შეუდგე შრომას და ამ სატანჯველს კი თავი დავახწიო? დიახ უმჯობესია...

როსტოვი. ეს ლექსი უნდა გავუგზავნო რომელიმე სატახტო გაზეთს. დაე გაიცნოს რუსის საზოგადოებამ თანამედროვე საქართველო.

— იქ, სადაც მთიდან გადმოჰქუხს ჩქერი,

სად ჰყვავის ია,
 სად „იწვის შქერი“;
 იქ, სადაც ისმის
 ყვილი ორბის,
 სადაც გიჟმაჟი
 არაგვი მორბის;
 სად ლაფვარდს ცისას
 არწივი აპობს,
 სად მზე იცინის,
 მთვარე ამაყობს;
 სად ვარსკვლავთ კრება
 სხივ მოკამკამე,
 მრავალ დროების
 უტყვი მოწამე,
 დაჰხარის მიწას
 და დასციმციმებს,
 მარგალიტ ნამსა
 ცრემლად აწვიმებს;
 იქ, სადაც ნაზი
 სიოს ღიღინი,
 არის ოცნების
 შვება და ლხინი;
 სადაც მძლავრი ხმა
 ქექის და გრგვინვის,
 როგორც სატანა
 მთებში იცინის,

ერსა ქართველსა დაედგა ბინა,
 საუკუნეთა მრავალთა წინა.
 ხმა მათი მძლავრი, ვით მათათა ქშინა
 მუნ გაისმოდა მას ეაჰსა შინა,
 და ხელთა მათთა ნამოქმედარი:
 იქ ციხე-კოშკი, აქა ტაძარი,
 დღესაც ამშვენებს მათათა წვერვალებს
 და მზეს ამაყად უსწორებს თვალებს;
 დღეს არ სჩანს მხოლოდ ქართველი ერი
 ძველად ამაყი და მშვენიერი,
 და მისთა ნაცვლად ამ ტურთა მხარეს
 ვსტვრეტ ხალხთა გულის დამამწუხარეს.
 ვაგლახ შესცვლიათ სახეც და ენაც,
 ყადრი თავისა, მწყობრი მოლხენაც
 და სავალალო სიტყვა პასუხი,
 სიმღერა სმენის ტანჯვის მარწუხი
 გამეფებულა დღეს ამ მხარეში
 ფუქსავატობის ცეკვა თარეში.

და სადაც იშვა ღიადი შოთა
 აღმართულია ტანჯვის გოლგოთა.

ეშმაკი*)



შოთა რუსთაველის საღამო

(იხ. ეშმ. მათრახი № 22)

მ ღვინობისთვის, დანიშნულ დროზე, ჩემს
 ოთახში ვიჯექი და ისეთ გრძობას განვიცდიდი,
 როგორსაც ალბათ ორი დღის უქმელი და წყალში
 მუხლებამდე ნადგომი, დოდისათვის „გამოხამებუ-
 ლი“ ცხენი განიცდის „მარულას“ დაწყების წინა
 წუთს.

კარის რახუნი რომ გაისმა, გულ-ღვიძლში რა-
 ლაც მომწყდა, ენა დამეჭა და თვალთ დამიბნელდა.
 არა თუ რისამე თქმა, სკამზე წამოდგომაც ვეღარ
 შევძელი და წინაღვე დამხადილი „მობრძანდის“
 მაგიერ დავიღმუილე:

— მმმუუ..

რახუნი შეწყდა და ცოტა ხნის შემდეგ კვლავ

*) ბატონებო! ორი ადამიანი ლაჟვარდში მოკაშკა-
 შე მოვარეს შესტქეროდა, ერთმა დაძინა:

— შეხედე ნამდვილი მზარეულის ბრტუელი და
 ქანაანი სახე! როგორ იცინის!.

შეკრემ შენიშნა:

— სადა ხვდავ, ძმაო, მზარეულს. შეხედე რა
 მშვენიერი ქაღალა! თავზე საუცხოო შლანა ასურავს სი-
 რაქლემს კუდითა. სრულიად არ იცინის. რა მშვენი-
 ერია წვეული!

რომელი იყო მართალი?

შეიძლება მეფისნმა ბაღმონტმა მშვენიერი ასული
 დაინახოს საქართველოში მოგზაურობისას.

მაგრამ შე მზარეულის მურთან სახეს აშკარად ვხე-
 დავ.

ეშმაკი.



განმეორდა. ახლა კი მოვიკრიბე რაც ძალი და ღონე მქონდა, მობრძანდით მეთქი დავიძახე და მუხლი მოვიდრიკე. სტუმარი შემოვიდა. მე მოწიწებით დავხარე თავი და დავიწყე:

— აწ განუტევე მონა შანი, მეუფეო, რამეთუ იხილეს თვალთა ჩემთა ნათელი, რომელი განუმზადე წინაშე პირსა ერისა ჩემისასა...

— ეს რა ამბავია?—გაკვირვებით წამოიძახა სტუმარმა, მაგრამ მე ყურიც არ ვათხოვე, ხელი დავუჭირე, ვეამბორე და განვაგრძე:

— არა ღირს ვარ განსნად საბელთა ხამლთა შენთა, ჰოი ჩანგო გულისა საქართველოსისა.. ხილვითა პირისა შენისა უუბედნიერეს ვარ შორის ყოველთა ქართველთა და, აჰა, მოგესალმები შენ, ვითარცა...

— კაცო, ხომ არ გაგიჟდო? რა ღმერთი გიწყრება?—შეშინებული ხმით დამიყვირა სტუმარმა.

გული რაღაც ფათერაკის გრძობამ გამიმჭვალა და ზევით ავიხედე...

იმ წუთის ჩემს მდგომარეობას ოდნავაც ვერ შეედრებოდა იმ კაცის მდგომარეობა, რომელიც მასკარადში თავდავიწყებით ეარშიყება ვინმე ნილაზიან ასულს, დარწმუნებული, რომ ეს მისი გულის სატრფოა, ხოლო როცა უკანასკნელი ნილაზს მოიხდის, ნაცვლად მომხიბლავი საყვარლისა, კანონიერი ცოლი კი დაუდგება თვალწინ.

ზევით რომ ავიხედე, ხორც შესხმულ შოთა რუსთაველის მაგიერ, ფრთა ფარფატა გიგო დამიხვდა.

განა აიწერება ის გრძობა სირცხვილისა, თავზარ დამცემ მოტყუებისა, სულელურ მდგომარეობისა და სხვათა და სხვათა, მე რომ იმ წუთს განვიცადე?

არ ვიცი, რამდენ ხანს დავრჩი ისე მეხ-დაცემულივით გაქვავებული, ქარხალივით გაწითლებული და დამუნჯებული.

როცა აზრზე მოვედი, შევატყე, რომ სტუმარიც ფერნაკრობი იყო, აღბათ ჩემი სიგიჟის თუ შეეშინა.

— გამარჯობა, გიგო, ჰა-ჰა-ჰა! როგორ მოსლოდნელათ შემოხვედი, კაცო? ნაძალადევი სიცილითა და ვითომ დაუდევარი კილოთი მივესალმე მე.

— კაცო, შენ სრულ ჭკუაზე ხარ?.. მადლობა ღმერთს!.. მე კი მეგონა, ნამდვალათ შერყეულა მეთქი! რა იყო ეს ხელზე კოცნა, ეს ხუცური ლა-

პარაკი და მუხლის მოდრეკა?—შკითხა ცოტათი დამშვიდებულმა გრიგოლმა.

— ჰა-ჰა-ჰა!—გადვიხარხარე მე,—შეგაშინე, განა? წარმოიდგინე ისე გამიტაცა ამ ახალი როლის სწავლამ, რომ თავიც კი დამავიწყა და შენ რომ არ დაგეყვირა, ვინ იცის, როდემდი გაგრძელდებოდა ეს კომედია!

— რას მიედ-მოედები? რა როლია?

— მაშ შენ არც კი იცი, ერთმა უსახელო ავტორმა რომ ჩინებული ტრაგედია დასწერა „სოლომონ და სულამით“? ეს ტრაგედია ამ დღეებში უნდა წარმოადგინონ ჩვენ სცენაზე და მე სოლომონის როლი უნდა შევასრულო,—ვიტყუე მე.— შენ რომ შემოხვედი, სწორედ იმ ადგილზე ვიყავი, საცა ტრფობით აღწნებული სოლომონ მეფე თავის სატრფოს, სულამითს, მიესალმება.. ისე გამიტაცა როლმა, რომ შენ სულამით მეგონე.. სწორეთ ამიტომ იყო, რომ ხელზე კოცნა დავიწყე.

— ეეეე, ჩემო კარგო, კარგათ ვერა სტყუი! განა რომელი სოლომონი ეტყოდა სულამითს— „ჩანგო გულისა საქართველოსაო“—აქ საქართვერა შუაშია? არა, შენ თვალმზიაც გეტყობა, რომ სცრუობ.

რაკი ეს ვერსია არ დამიჯერა, მეორე მივახალე:

— იცი რა, გიგო? შენ ნურავის ეტყვი და მე დიდი ღვთის მორწმუნე კაცი ვარ. შენ რომ შემოხვედი, ვლოცულობდი და ის სიტყვები—ჩანგო გულისა საქართველოსაო—წმინდა წინოს შეეხებოდა. თუ ძმა ხარ, ნუ გამამხელ. ხომ იცი ქვეყანა ათეისტია.. სასაცილოთ ამიღებენ.

არც ეს არაკი დამიჯერა, ხელზე კოცნამ გააფუჭა საქმე, რომელი მლოცველი იქნება, რომ სტუმრათ მოსული კაცი წმინდანი ეგონოს და ხელზე კოცნა დაუწყოსო.

რაკი აღარ მეშვებოდა და დრო კი მიდიოდა, ასე რომ ყოველ წუთს მოსალოდნელი იყო ნამდვილი შოთას შემოსვლა, მე იძულებული ვავხდი ყველაფერი გულახდილათ მეთქვა გრიგოლისათვის. გაუუმხილე ჩემი სპირიტობა, უკანასკნელი სენანის ამბავი, შოთასთან ბაასი და ბოლოს ვუთხარი:

— ასე რომ დღევანდელ საღამოს ჩემთან ერთად შოთა დავსწრება. სადაცაა შემოვა და ვინაიდან ხომ იცი... პირის პირ... ე. ი. მარტოდ მარტო უნდა დავუხვდე...

მაგრამ გრიგოლმა არც კი დამაცალა გათავე-

ბა. დაავლო ქუდს ხელი და მოწვევით გავარდა
ოთახიდან.

— ყოჩაღ, — გავიფიქრე მე: — სხვა რომ ყოფი-
ლიყო, ფეხს არ მოიცვლიდა აქედან შოთას შემო-
სვლამდე...

ერთი მხრით სჯობდა კიდევ ასეთი შემთხვე-
ვა რომ მოხდა. გრიგოლის მოულოდნელმა სტუმ-
რობამ და ჩემმა ფათერაკმა სულელური ატაცება
გამიქარვა.

ეხლა თავი დავიმორჩილე და შემეძლო უფრო
დინჯათა და დარბაისლათ დავხვედროდი ძვირფას
სტუმარს.

ბევრი ლოდინი ღარც კი დამჭირებია, რამდე-
ნიმე წუთს შემდეგ კარი გაიღო და „შემოდგა კარ-
სა ყრმა იგი კეკლუცი, ტან-ნაკვთიანი“...

თავუნა.

(შემდეგი იქნება)



ფოთი.

(მამას საკვდილი თუ ღედას სირცხვილი*)

ვსთქვა მამას მოჰკლენ, არა ვსთქვა —
შეურაცყოფენ ღედასა
გრძნობა სძლევს დახშულ გონებას —
უახლოვდები ბნედასა.
ბოღმა-ნადველით აივსო
მოთმინებისა ფიალა,
ზომის და წონის უნარი
მოსპო და გაატიალა.
ამგვართ რადგან ჩამაგდეს
აზრის არევა-ბოდვაში,
ნურავინ იწყენს თუ ვინმე
ვამხილო თავის ცოდვაში.

*) არის თქმულება (არა მეცნიერული) ვითომც როცა
მძინარე ბავშვი იცინის მას თავისი სული ეჩვენება და ეუბ-
ნება: „გამამხელ, მამას მოგიკლავ, არ გამამხელ ღედას შე-
ივინებო“. ბავშვი უკანასკნელ მუქარაზე იცინის თურმე.
მე კი არც ბავშვობა მეთქმის და მით უმეტეს არც მძინავს,
მაგრამ მოჩვენება იგივე მაქვს.

მეტადრე ვინაც ამას წინ
ავგიძრა შიშის ქარები,
ხალხი, ყვირილით გარბოდა
საშველათ რეკდენ ზარები.
პირველათ ცეცხლი გვეგონა
რადგან „დაზღვევა“ ხშირია,
ხალხით გაივსო ერთბაშათ
პარკ — კაპარჭინის პირია.
იქ ქალი ვნახეთ მტრისგანაც
საბრალო სანახავათა,
მარა რაც ვერ ვსთქვა, მკითხველო,
შენ მიხვდი თავის თავათა.
თუმცა, რაც მოხდა, ეშმაკმა
სულ ყველა იცის სწორათა
და მე თუ იმას გაიმბობთ,
რასაც ამბობენ „ჭორათა“.
სხვა ვიფიქროთ და სხვა ვსწეროთ
უფალმა ასე ინება,
თუმცა მკითხველსაც მოვაწყენთ
ეშმაკსაც გაეცინება.
„ორი ყაჩაღი მოვიდა
სერგიას ხელი სტაცესო,
ეტლში ჩაისვეს უენოთ
ბაზრისკენ გაიტაცესო.
ერთ მათგანს აბჯარ-კაპარჭი
ემოსა ბოქაულისო,
მეორე იყო ცილინდრით
ავებულობის სრულისო.
გვიშველეთ ხალხო დარჩენილთ
უმოწყალოთ და ობლათო,
გზები შეჰკარით ყოველგან
კაცი აფრინეთ სოფლათო“.
ასე მოსთქვამდა ანეტა
„ას მათის გასაჭირითა“
გულ მკერდს ფრჩხილებით იხოკდა
ქარ-ცეცხლს აფრქვევდა პირითა,
ხალხიც განრისხდა, დასძახეს —
„აბა ბიჭებო ურაო,
ბედი ვანათო ყაჩაღებს,
დაუხვედეთ მამაცურაო.
მოდარაჯენი წავიდენ
ქალაქის ყოველ მხარესო —
ბოძზე გავაკრათ ხალხის წინ
ვინც ავი მოავგარო“.
მალე შიკრიკი მოვიდა
სთქვა: „მოტაცება არაო

სერგია დაუჭერიათ
 და კუტუსკაში მჯდარაო“.
 თქმა და ალყაში ჩაგდება
 „უჩასტკა“ ბოქაულისა
 იმ წამსვე მოხდა ხალხიდან
 „პრისტავიც“ გააგულისა.
 ბრბოს შეუტია მუქართ:
 მივწე რამ დავიჭირეთო
 თქვენ გირჩევიანთ კბილები
 ენაზე დააჭირეთო.
 ერთი კიდევაც მიბეგვა
 ალბათ „ზაკონის“ ძალითა,
 საერთო ლანძღვა გინებას
 უმზერდით ჩვენი თვალითა
 შემდეგ უფროსიც მოვიდა
 და ხალხი დააწყნარა მან
 თუმც ბოქაული ყვიროდა
 ვით ძველი გმირი ყარამან.
 სერგია „კუტუსკისაგან“
 გამოიყვანეს გარეთა,
 და იქ მტირალე მის ცოლშვილს
 უკლებათ ჩავაბარეთა.
 ათას რამეებს ამბობენ
 ამ გვარ შემთხვევის წესია.
 გამოძიებას დაუცდით
 ჩვესთვისაც უკეთესია.
 ერთი ყველასთვის ცხადია,
 ამ ქესატობის ხანაში.
 მსუქან მოსავალს ელოდენ
 შანტაჟისტები ყანაში.
 ათი ათასი გოდორი
 ვასილის მამულისაგან
 სერგიას უნდა ეზიდა
 ალბათ „წყალობით ღვთისაგან“
 იწერებოდენ: „ვადაში
 თუ აღარ ჩავვაბარეთო
 უკუბოთ ვეღარ გამოხვალთ
 თქვენი სახლიდან გარეთო“.
 ბუტუნა.

საქორწინო ჯარის-კაცის წერილი

ჩემო ვულის ტყვიავ, ირინე!
 დღეს „კამანდერმა“ შენი წერილი გადმომცა,
 შენი „მაგაზინკის“ ტყვიასავით გრძელი თითებით

დაწერილი. ისე გამეხარდა თითქოს სამი თვის ოტ-
 პუსკი მოეცათ ჩემთვის. დაიწყე წერილის კითხვა
 და წამსვე თვალ-წინ წარმომიდგა შენი კობწია
 ტურები და ენა, „პულემიოტივით“ რომ ისვრის
 სიტყვებს. ძლიერ მომინდა მაშინ ერთი „ნასტუბ-
 ლენის“ გაკეთება და თოფის ლულასავის შენი
 ცხელი კოცნის აღება. (ჯერ ჯერობით ამის მეტი
 კონტრიბუცია არ მოგეთხოვება). იწერები: მალე
 ჩამოდი და შემირთეო! ნუ თუ ვერ გავიგია ჩემი
 სტრატეგიული პლანები? როგორ შემიძლიან შენს
 მშობლებს ულტიმატუმი გაუგზავნო ჩვენი ქორწი-
 ნების შესახებ, მინამ შესაფერად არ მოვამზადებ
 ფინანსებს და სურსათს. მაგ დრომდი კი ვიხვე წი-
 ნასწარ მომზადებულ პოზიციებზე და ვუცდი დრო-
 თა ბრუნვას.

მომიკითხე დიდის სიყვარულით მთავარ-სარ-
 დალი თქვენი ოჯახისა პატივცემული ივანე პეტ-
 რეს ძე მთელი თავისი შტაბით.

გავიგე რომ ღამე გამოდინარ სახლიდან მიდა-
 მოების დასაზვერავად. გირჩევ ხელი აიღო მაგ შენ
 გამბედაობაზე. რადგან მტერი ბევრია და ძლიერი,
 ტყვედ წაიყვანს და შემდეგ რა დღე დაგადგება
 ამას კი წერილით ვერ შეგატყობინებ, რადგან,
 ომიანობის გამო, ამ საგნის შესახებ ლაპარაკი სა-
 ველე სასამართლოს კანონების ძალით აღკრძალუ-
 ლია.


გწერს სიკვდილამდე შენი გერონტას.

გერონტას მისამართი შეშლოდა და თავის
 მიჯნურის მაგივრად ეს წერილი გამოეგზავნა ბა-
 ტონ

გუგულისხმავის.



კ ა ხ ე თ უ ი



რკინის გზაზე გადასასვლელთან

მეურმე. (დილის 11 საათი) გაგვიში გადაგვატარე, ბატონო შენი ქირიმე!

მცველი. ცოტა დაიცა, მატარებელი გაივლის. (იცდიან).

მეურმე. (ნაშუადღევს 1 საათი) იწამე ღმერთი, გაგვიში, აგერ მესამე საათი შენ შემოგყურებთ.

მცველი. რა ვქნა ძია, ბარემ კიდევაც გაგატარებდი, მაგრამ მატარებელი გამოსულია. (იცდიან).

მეურმე. (სალამოს 4 საათი) კაცო ქრისტიანი არა ხარ? დაგვეხოცა ხარ-კამეჩი ამდენი ლოდინით, გააღე გაგვიში.

მცველი. რასა ჯავრობ შე კაი კაცო. გაგილო და გაგქულიტოს მერმე ვინ აგოს პასუხი? (იცდიან).

კბილის ექიმთან



ავათმყოფი. კაცო რას ეძებ ვგრე გულმოდ-
გინეთ, ხომ არა თევზაობ ჩემს ყბებში.

ექიმი. არაფერია. გუშინ თქვენ ჩემი სატრფო,
ექიმი ქალი გიკეთებდა კბილებსა და ალბათ სადმე
გამოხრულ კბილში ბარათი ჩასდო ჩემთვის. ჩვენ
ასეთი მიწერ-მოწერა გვაქვს ჩვეულებრივით.



მესტვირული.

(დიდა ჯისაიშისათვის)

შენი ჭირიმე, ეშმაკო,
მათხოვე შენი სტვირია,
მინდა დაუკრა, მოგიტხრო
ამ სოფლის გასაჭირია.

მინდა ვეწვიო კომიტეტს,
მიუღიღინო ნელ-ნელა,
იმათი საქმის აღწერა,
თუ შევძელ, თუ არ მეძნელა.

დილა მშვიდობის, კომიტეტ!
რავა ჩვენი საქმენი!
ხალხმა რომ საქმე მოგანდოთ,
გვითხარ იმისი რა ქენი?

გუშინ რალაცა გავიგე,
ვერ დაუჯერე მე ყურსა,
ცხვირადეს თურმე აწყვეით,
იმ გაიძვერას, უბირსა.

მას ნუ უჯერით, გენაცვა,
ხომ იცით ის რა ჯურია:
არც ექიმობის ესმის რამ,
არც წამლის სამსახურია.

წინეთ თუ კი არ ვარგოდა,
არც ესმოდა საქმის „ინჩი“,
ეხლა ვისლა დაუჯერეთ
და უპოვეთ აზრი ნიჭი.



იქნებ დავითს გაუგონეთ?
 ხომ იცით, მას რაცა სურდა?
 ქსენონი და აფთიაქი
 უყვარს ისე, როგორც ხურდა.
 ამას წინეთ მან ხალხის წინ
 ნახა ლანძღვა და გაქცევა,
 ამიტომაც მოისურვა
 ქსენონ-აფთექის დაქცევა.
 ის იყო რომ მოიწვია
 შენთან ერთად მან დათიკო,
 ქსენონ აფთექის მსვლელობა
 რომ ცუდ გზაზედ დამდგარიყო.
 დათიკოს კი ყველა იცნობს,
 აღარ უნდა ამას ახსნა:
 აფთექი რომ დაექცია
 იქვე გვერდზე „სკლადი“ გახსნა.

ნუ უჯერი ბატონ დავითს
 ნურც იმის ძმას, (მამა სამსონს)
 ნურც ანდრიას, თომას, ვასილს,
 ნურც სხვას ვისმე იმათ ამსონს.
 ხალხი მალე დააფასებს
 თქვენისთანა კეთილ პირებს,
 თქვენ რაცა ვთქვი, ეს იკმარეთ...
 ექიმს ვუმღერ დანაპირებს.
 ღმერთმა ვაცოცხლოს, ექიმო,
 ღმერთმა მოგცეს ღღენი გრძელი,
 მრავალ წელიწადს დაესწარ
 მრავალ წელიწადს გასძელი.
 დამავალეს რომ გადმოგცე,
 ჩვენზე არ აილა ხელი,
 კომიტეტსა ნუ აყვებით
 კრულ იყოს მათი სახელი.

თურმე იმათ განუზრახავთ
 მოჩოჩება ექიმ მღვდელის,
 ექიმ მღვდელი ჩვენ არ გვინდა,
 მისგან შევლას არვინ ელის.

კარგად ვიცი ავადმყოფსა
 ვერ მოუტრჩენს ის იარებს,
 ავადმყოფი მყის იფიქრებს:
 სწორედ ეხლა მაზიარებს.

ამიტომაც გვხვეწებით
 ნულარ წახვალთ, ჩვენთან დარჩით,
 სამსახურსაც დაგიფასებთ
 ამ წელიწადს თუ გადავრჩით.

აწ მშვიდობით რო მენახო
 ცოტა გზა მაქვს გასაფლელი,

სკოლაში მსურს შევიარო
 ზევით ასვლა თუ შევძელი.
 მითხრეს, ნიკო ჩამოსულა,
 ახალ სკოლის ინსპექტორი,
 მინდა მასაც მივეუმღერო
 სიტყვა ვუთხრა ერთი-ორი.
 თუ მეგობარო, არ გინდა,
 შეგხვდეს „დავითის“ სახელი
 ნუ შეიქნები იმისი
 აზრების გამომსახველი.
 სიმართლის მომხრე პირთაგან
 ძმანი არიან გმობილნი,
 და თავის მოღვაწეობით
 შავ-რაზმელგებათ ცნობილნი.

აწ კი მშვიდობით, ვათავებ...
 უნდა ვიბრუნო პირია:
 მეცა და ჩემსა გულსაც
 აწ დასვენება გვჭირია.

გესლიანი.



რა მომესწრა აგი?

„(გურული სცენა)“


არა, კაი რომ აფერი მომესწრებოდა ჩემს გა-
 ჯახირებულ ცხოვრებაში ქე ვიცოდი, მარა ამის-
 თანა ვაი-უშველებელში, ჯოჯოხეთში და თაკარა-
 ში თუ ჩავარდებოდი, აგი აღარ მეგონა სწორეთ,
 რა ამბავია აგი, რა მომესწრა აგი,

ვანა რომ დეიწყო, ვიფიქრე, აგერ
 ღღეს, აგერ ხვალ, აგერ ღღეს, აგერ ხვალ გათავ-
 დებოა, მარა ისე არ ვაუთავდა თქვენს მტერს ტან-
 ში ქირი, აგი ვანა არ გათავდეს. მე ასე ვფაქ-
 რობ, აგი ვანა მაშინ გათავდება, კაცის სული რომ
 არ ათავდება, აბა, რაფერ არის აგი, რომ ვერ გე-
 ვიგე? ახალგაზდები კი არა, მგონი მეც კი მომი-



წიოს ვაინში წასვლა, შენს სამოცი წლის კილოფონას. თუ მომიწევს და ჯანდაბას ჩემი თავი, შევცხვე, თუ შევწუხდე, დავავლებ ხელს ჩემს მაჭახელას და ზე მივადგები გერმანიას პოზუციაზე. მარა, რაი მერე, ახლა ყოლიფერი მოდნაა, აგი ჩხუბიც მოდნაზე ყოფილა, გერმალიე თურმე მოდნაზე ჩხუბობს. წახანე ვთქვი, მაჭახელას წივილეფ მეთქინ, ჰმმ... ვინ მიგიშობს თურმე სამაჭახელოთ, მაჭახელე კი არა ვინტოვკა ვერ უწევს თურმე შვამდი... ოცდახუთი ვერსიდან რომ დოუდანდარებენ თურმე ცეცხლს, მოგაყრიან და მოგაყრიან ყუმბარებს ბერივით, ვერც კი გაიგებ სიდან მოცივა ტყვიები, კაცს ვერ ხედავ და ბალანას თურმე. გეიწევი წინ — გზებებენ, უკან დეიხევი გებებენ, აღმა ეიხედავ ზე კეკალ მირონში ჩამოგცხებენ ჰაიერიდან, და მერა უნდა ვუქნა იმას ჩემი მაჭახელაით, თვარა იცოცხლეთ, უწინდელი დროი, რომ ყოფილიყო, ივენს ვუტირებდი თვალებს: მახსოვს მილინციათ რომ ვიყავი თათრის ჩხუბში, ერთი თათარი ერთ რუსს, წაკუზულიყო და თოფს უნიშნებდა. გადმევილე ჩემი მაჭახელაი, ამოვაწინწილე ნიშანში და ზე კაკალ ჩამოკონწოლებულ ჩაქარაში ვზებე და ავაგო. მარა ახლა სხვა დროი დადგა... თუ წამიყვანენ მართლა, წევილებ ჩემს მაჭახელას, ივენი ქე მომცემენ ვიტონკას აბა რას იზამენ, რა ვიცი; თუ ღმერთმა ქნა და თვალი მოგკარი ოცდა ხუთ ვერსში, მართალია ჩვენი ვიტონკა შვიდ ვერსის მეტს არ მივა — მარა, სამჯერ ვესვრი, სამჯერ შვიდი ვერსი — დვაციტ აღინ ბუდიტ. ზედ ჩემს მაჭახელასაც მივაყოლებ და რავა მჭუუმს სირცხვილს, ოთხ ვერს რავა ვერ გაართყამს, დვაციტ აღინ და ჩეთირი — იტალო დვაციტ პრათ და ქე მივართყამ შენს გერმანას ზე კეკალ მირონში. ეტო ნიჩალო, თოფს ქე ვისვრი, მარა აგი ბალიკარტები რაფერ ამოვთხარო და მანიორე რაფერ გავაკეთო, ამ დასუსტებულ-მიკანკალეებულმა კაცმა. მერე თურმე ივენის ზარბაზნის ყუმბარის შუქი სახლებს ცაში აფრიალებს, და მე თუ გამომიქროლა, ერი-ჰააა, ხერი არ იქნება, რავა ამაფრიალებს შენს კილოფონას ცაში, და გადავაფრინდები ცეპელინს თავზე. რა მომესწრა აგი, დიდება შენ ღმერთო?

ლუკაიეს ობოლი.



დეპეშები

დ. ზუგდიდი. დაბის მამა-დეპუტატო დათა კორტოზიასა და მეპურეთა შორის დიდი განხეთქილებაა. მდგომარეობა სერიოზულია. მიზეზი არც ისე უბრალოა. დათა თავის ჯალაბობით ერთ მშვენიერ სალამოს, მადის აღმძვრელ სალამოს უპურით დარჩა. რასაკვირველია მშვიერიც დაწვებოდა. ძილში სულ ნადიმი, ლხინი ელანდებოდა. მეორე დღეს შიმშილით განამწარებმა დათამ პურის გაყიდვის საქმეში „ნემეცური სისტემის“ დაუყოვნებლივ შემოლება მოითხოვა. მეპურეები წინააღმდეგნი არიან. ვინც აშკარათ ურჩობს, იმათ დათა შესაფერ „თავშესაფარში“ ამგზავრებს.

იქიდანვე. დაარსდა საშუამავლო ბიურო. წევრებათ შედიან „სტოროჯი“ ეფრემ ყოციჩავა და ერასტო აღამია. ბიუროს მიზანია მეპურეთა და დათას შორის ჩამოვარდნილი უთანხმოება მოაგვაროს. ჯილდოთ ეძლევათ „ცენტრალნი გასტინციდან“ შემწვარი წვადი და წითელი ლენო.

იქიდავე. ზუგდიდელთა განმანათლებელმა სამშობლოს ბურჯმა ახნაურ კ—ო კ—ს ქალმა ზუგდიდის ქართულ საქველ-მოქმედო საზოგადოების განყოფილებას აღუთქვა ერთი მილიონი ფუთი სიმინდი, შემოწირულების სახით მოძმეთა დასარგებლათ მხოლოთ ი პირობით, თუ საზოგადოების განყოფილება თავიდან მოიშორებს „გაუთლელ მუთეიკებს“, რომლებიც თურმე დაპატრონებიან განყოფილებას.

იქიდანვე. ბ-ნი იონა მეუნარგიას ფოთის სენი აქაც ჩამოყვა. უთავო ფოთს ერთხელ ის თაობდა. აქაც თაობს და კრებებზე თავმჯდომარეობას ჩემობს. საჭიროა მათრახის კული. ეგების მით მაინც დარწმუნდეს მის თავის უთაობაში და „ფოდრაჩიკობას“ უკეთ გაართვას თავი, ვიდრე კრების რთულ კითხვებს.

ოჩიკოჩი.

კაცხი. ვაჭრებს იერიში იერიშებზე მიაქვთ მომხმარებლებზე. მაგალითად: ნავთზე სამი კაპეით წინ წაიწიეს (7 კაპ. მაგივრად 10 კაპ. გახადეს) მათ გამარჯვებას მეტად ხელს უწყობდა ხალხის დაქსაქსვა. ამიტომ განიზრახეს მათ მწვავე იე-

რიშებს 42 სანტიმეტრიანი ზარბაზნით—კოოპერატივით გასცენ პასუხი.

იქიდანვე. მღვდელმა და მონასტრის ბერმა ერთმანეთს ომი გამოუცხადეს. სადაო საგანი საიდუმლოებით არის მოცული. ჯერ-ჯერობით გამარჯვება ბერისკენ არის. ხალხი ნეიტრალიტეტს იცავს. დიდს შედეგებს უნდა მოველოდეთ.

ზახრუმა.

ნოლა (გურია). ადგილობრივ მოვაჭრეს ე—იხ—ძეს გადაუწყვეტია (რადგანაც ბევრი ჟურნალ-გაზეთების კითხვამ ტყინი გამომილაყაო), დააარსოს ბიურო, რომელსაც მიზნათ ექნება: გახსნას ყველა დახურული ბარათები და პატრონის წაკითხვამდე თითონ წაიკითხონ. რამდენიმე წერილები უკვე გაუხსნიათ, უსურვებთ ასეთი კეთილი საქმე ხუნდაძეს და მისს კომპანიას დიდხანს განეგრძოთ.

ვახუშტი.

საკუთარი ღებეშა

სოფ. სოკოთუბანი. პარასკევს (16 ოქტ.) საღამოს 11 საათსა, 27 წუთსა და 17 წამზე მოულოდნელათ გარდაიცვალა ჩვენი ქვეყნის სასიქადულო ძე და თანაც სიამაყე მთელი საქართველოსი და სრულიად მაზრისა ცნობილი მოღვაწე სოლომონ ზურაბის ძე ზურგიელიძე.

მასწავლებელი სამრ. სკოლისა ცუცუკია ხუნტრუცაძე.

რედაქციისაგან. როგორც ხედავთ ეს აღმაშფოთებელი ამბავი ჩვენს რედაქციას იმ დროს მოუვიდა, როცა ჟურნალი უკვე იბეჭდებოდა და თავზარი დასცა მას. დამწუხრებული რედაქცია მოკრძალებით იხრის ქედს ძვირფასი თანამშრომლის ცხედრის წინაშე და ვინაიდან ამ ნომერში წერილების მოთავსება ვეღარ ესწრობა აცხადებს დაობლებულ მკითხველთა საყურადღებოთ რომ

შემდეგი, მე-24 ნომერი ეშმაკის მათრახისა იქნება

სამგლოვიარო

მოთავსებული იქნება შიგ ყოველივე ცნობა ჩვენი ნეტარხსენებული მოღვაწის, ახლად გარდაცვალებულის სოლომონ ზურგიელიძის განსვენებისა და დაკრძალვის შესახებ.

საიდუმლო ბარათი

(დასასრული)

— მორიგი საკითხები დაიძახა საშამ.

— რეჟისორის მოწვევა!

წამოდგა კაკი.

— ბ-ბო! მე ვიყავი მოსკოვის სამხატვრო თეატრში... იმ სამხატვრო თეატრში, რომელი სამხატვრო თეატრიც ითვლება საუკეთესო სამხატვრო თეატრთა შორის... მე ყველაფერი ვიცი ამ სამხატვრო თეატრის, .. სამხატვრო თეატრში ყოფნის დროს იმდენათ გავიზარდე, ისე განვითარდა ჩემი ესთეტიური გემოვნება, იმდენათ გამიფართოვდა ხელოვნების ჰორიზონტი, რომ ყველა ჩვენი მსახიობნი მეჩვენებთან, რაღაც უსულო ტიკინებათ, კომპრაჩაკოსებათ... ერთი სიტყვით მე ისინი აღარ მომწონან. საჭიროა ახალი ჯურის სკოლა, ახალი რეჟისორი... ამის შესახებ, თუ „სამშობლოს“ კითხულობდით, მე ვწერდი კიდევ. მომეცით რეჟისორობა და ერთი სეზონის განმავლობაში მე აქ, ქუთაისში დაგვიარსებთ მეორე სამხატვრო თეატრს, რომელიც არაფრით არ ჩამოუვარდება მოსკოვის სამხატვრო თეატრს და ძველ არტისტებს კი, ისე გაუხდი საქმეს—დედას ვუტირებ!

წევრები გაიფხვირნენ... მანდილოსნებმა თვალები დაქიციეს.

— ამ საკითხს კენჭს ვუყრი: მიეცეს კაკის რეჟისორობა თუ არა? თქვენი აზრი? მიმართა პირველად ქალებს.

— მიეცეს! მიეცეს! წამოიძახა ყველამ.

დამტკიცდა.

— აბა წარმოგვიდგინეთ მომავალი სეზონის ხარჯთ აღრიცხვა და თქვენი მოსაზრებანი.

— მზათ გახლავთ! სთქვა კაკიმ.—რომ შეეკმნათ ახალი სამხატვრო თეატრი, საჭიროა ყველა ძველი, ნიჭიერი არტისტები სცენიდან განდევნილიქმნან...

წევრებმა აზრი მოიწონეს.

— მეორე - რომ ძირიანათ შეცვლილ იქმნას დრამ. გამგეობის საქმის წარმოება, უნდა შექმნილ იქმნას ბლომათ კონვერტები... ამისათვის საჭიროა ფული... ეს ფული უნდა იყოს სრულს ჩემს განკარგულებაში... ამ თავითვე უნდა ჩამაბართ 40,000 მანეთი“.

შენს მტერს, ძმაო, მე შიში განვიცადე!.. ამის თქმა იყო და გამგეობის ცხრა წევრმა ერთბაშათ ცხვირი დააცემინა...

მერმე აღარ მახსოვს, რა მოხდა.

გონს როცა მოვედი, მალლა ქერში, „ატლუმნიკში“ ვიყავ გაჩხირული.

რის ვაი-ვაგლახით გამოვფოფხდი, მიმოვიხედე, ოთახში აღარავინ იყო, გარდა გუცასი, რომელსაც საქმის ყველა ქაღალდები მოეგროვებინა და ზედ დაჯდომოდა.

დედაკაცების ინტერვიუ ეხლა ხომ მოდაშია!.. სახელს უკეთებს ჟურნალს... მეც აზრად მომივიდა შენი ჟურნალისათვის რეკლამა გამეკეთებინა და გადავწყვიტე ზოგიერთი ცნობები გამომეკითხა ბ. გუცასათვის და ასე მივმართე.

— ბ. ჩემო! არ შეიძლება ზოგიერთი ცნობები მიბოძოთ?

— ინტერვიუ?!

— დიახ, დიახ!..

— თქვენ რომელი ჟურნალის კორესპონდენტი ბრძანდებით?

ეს ისეთი კილოთი მკითხა, რომ თუ ნამდვილი დამესახელებინა, არა თუ ცნობებს მომცემდა, კინწის კვრით გამომაგდებდა...

ბევრი ფიქრის შემდეგ მომაგონდა „თეატრი და ცხოვრება“.

— ჰო, მფარველობის კილოთი სთქვა გუცამ; ამ ჟურნალისათვის შეიძლება ცნობები მოგცეთ... მაინც რა გნებავთ?

— როგორ მიღის წელს აქ თეატრის საქმე? მორიდებით ვკითხე.

— წელს, ჩვენ დარწმუნებული ვართ, საქმე კარგათ წავა!.. კონვერტები ბლომათ გვექნება... ნომრებიც, რამდენიც შეგვიძლია ვწეროთ... ვინ დაგვიშლის!.. ჩვენ უნდა ძირიანათ შევცვალოთ საქმეები... თეატრი ახალ საძირკველზე დავაყენოთ... რადგან რეჟისორი ერთმა დაცხინკვებამ მოსკოვს გადაისროლა, ამიტომ წელს ჩვენ სეზონი აღარ გვექნება... ან რა საჭიროა? ჩვენ არტისტებს არ მოვიწვევთ... ჩვენ თეატრის კარები უნდა დავკედლოთ და შიგ არავინ შეუშვათ... ჩვენ ფული არა გვაქვს... მაგრამ ჩვენ დარწმუნებული ვართ—გვექნება... გვექნება იმიტომ, რომ ეს არის ჩვენი სურვილი...

— უკაცრავათ, მერე ამის შესახებ მიიღეთ რაიმე ზომები?

— რა სისულელეს მეკითხები? რა საჭიროა ზომები? განა ჩვენი სურვილი არა კმარა? ჩვენი სურვილია ფული გვეკონდეს! დანარჩენი კი ჩვენი საქმე არ არის.

— მაპატიეთ, მაგრამ კარგათ ვერ გავიგე... ვინ „ჩვენ“? ვიზე ბრძანებთ?

— როგორ თუ „ვინ ჩვენ“? ჩვენ!.. ე. ი. მე და გამგეობა...

— განა თქვენ გამგეობის წევრი ბრძანდებით? ენა ჩამვარდნოდა და არ მეკითხნა, ისა მერჩინა...

ერთი დაიღრიალა ამ პატარა „გასიებულმა“ კაცმა, დამავლო კუდში ხელი, მომატრიალა ჰაერში და გადამისროლა.

სწორედ კლუბის წინ დავარდი.

ძლივს ავითრიე წელი და წამოვდექი, მაგრამ ვაი იმ წამოდგომას!.. შენგან ბოძებული კუდი ნახევარი აღარ მება. აკი არ მოუგლეჯია იმ უღმერთოს!

ამბობენ, თურჲე კუდის ნავლეჯს იოსებ იმედაშვილს უგზავნის თეატრის მუზეუმისთვის... თუ ძმა ხარ, შემახვეწე თაგუნას მისი ამხანაგ-ნათესავეები გააფრთხილოს კუდის ნავლეჯი არ დამიხრან...

კლუბში ხმაურობამ დამავიწყა ჩემი დარდი. მივედი და აფიშა წავიკითხე:

„Семейный вечер. Скандалы и Лото“.

ვიფიქრე: ეს რა თავის გდებაა? მასხრობენ მამასახლისები, თუ რა ამბავია? წინათ აცხადებდნენ— Танцы и лото... დღეს რა ამბავია?

შევედი.

არ გავიკვირდეს, რომ ტფილისის კლუბში არ მიშვებენ და აქ კი შევედი... აქაური მამასახლისები თქვენსაზე სტუმართ-მოყვარენი არიან. ვინც გინდა იყავი, თუ 25 კ. გაქვს, ყველას უშვებენ... ვის არა ნახავ ამ კლუბში? დილიდან დაწყებული პატარამდე... რა პროფესიისა და მდგომარეობის ხალხი გინდა! მეც მქონდა 25 კ.; შენგან გამოგზავნილი ჰონორარი, (ოი, ისე დამკლია შენი თავი!) ჯერ ისევ ხელ უხლებელი მქონდა...

აი, მხიარულება და დროს ტარება აქა ყოფილა!!.

კაცო, ერთი ჩამოდი, რა არის? ნახე აქაური კლუბის მასალასაც ბევრს იშოვნენ და მშვენიერ დროსაც გაატარებ.

ერთსა და იმავე დროს სამ აღავას არის ჩხუ-

ბი. შენს მადლს გეფიცები ვერც კი ასწრობ ყველგან: იქ „ბაქარის“ ოთახში ჩხუბობენ,

როტონდაში ლაქიას ლანძღავენ, რომ დროზე შეკვეთილი საქმელი არ მოიტანა, და თუ მოიტანა,—საქმელი—ცივი... სამაგიეროთ, გაგინბარე სანმელი იყოს ცხელი!.. ბოთლს რომ ხელს მოკიდებ, —დაწვავს!.. ჰო და მუცელში სულ ერთია, აირევა და... მე შენ გეტყვი სამართალს იპოვი ვისმესთან?! მამასახლისს თუ შესჩივლე: „მე ხომ ვერ გაგიკეთებ ყინულსო“ დაგიყვირებს... (მისი გაკეთებული ყინული თითონვე მიირთვას, მარა...)

ახლა ბალში?!.. ოო, რაც ამბავია—ბალშია! ამოიღებს ხმალს ვისიკო და ატრიალებს! მერ ის ოხერი ისე გაფერილია, რომ სულ ლაპლაპი გააქვს. თუმცა კლუბში იარაღით შემოსვლა აკრძალულია ყველასათვის, მაგრამ შენც არ მომიკვდე, ვასიკოს ვერაფერი დააკლეს! არ უნდა და არ ემორჩილება საზოგადოების დადგენილებას! ძალაა! იცი, უსამართლობაც კი იქნება მისი ხმლის ჩამოხსნა, კაცო, ძლივ რაჭიდან გამოიქცა და ჩული მოიშორა; ესლა ბედმა იპრიანა, ხმალი ჩამოკიდეს და იმას მოაშორებ, თუნდა ერთი საათით? ამხანაგიცა ჰყავს, კოლეგა... ექიმი!.. სამიკიტნოში ითვრებიან, კლუბში მოდიან და სკანდალებს აკეთებენ... ხალხს ართობენ... ამბობენ, ერთგულ სამსახურისთვის მამასახლისები აღრესს უშხადებენო. მერე მიზეზს არ იკითხავენ? ორი საათიდან ბუფეტი იკეტება! ღვინოს აღარ იძლევიან. ვასიკოს კი სმა უნდა... საზოგადო დადგენილება და გუბერნატორის განკარგულება მას ფეხებზე ჰკიდია! სმა უდა—დააღვივინე! ზოგიერთებმა მთხოვეს ეს გარემოება შენი ჟურნალისათვის მომეწერა, მაგრამ ვერ გავბედე... ვერიდები!.. არ შეიძლება,—კაცი განათლებული, ექიმი, წინამძღოლი, ადგილობრივი ვაყა... უხერხულია ამისთანა ცნობილი პირის შეხება... მეც დავჩუმდი... რა მექნა?!

ახლა ძაღლების რა ჯიშის ძაღლებს არა ნახავ აქაურ კლუბში! მერე რა გაწრთენილების ისე დახტიან „ზაბორებზე“, სტოლებზე, როგორც რწყილი... ძაღლებსაც საკუთარი სტარშინა ჰყავთ ვილაც პავა. ისე ყავს გაწვრთნილი, როგორც ადამიანი. მაგალითად, ზიხარ სუფრაზე და ვანშობ. საკმარისია პავამ ერთი დაუწრუწუნოს და დაიძახოს „allez“, ისე გადაგველება თავზე ძაღლი სუფრას, მის გარშემო მდგომს, რომ ფეხს არ მოგაკა-

რებს. ტფილისის ქართული კლუბი ხომ კატებითაა განთქმული, მაგრამ ნუკი გეწყინება, ძმაო, ჩვენი ძალები სჯობია! აბა, რა შედარება!

მაგრამ ბაქარის ოთახში რომ სიმხიარულეა, იმასთან ყველა დანარჩენი გასართობები მონაგონია! რვიანი რომ ხელში გყავს, ისე გამოგიძრობს ცხრიანს, -- ხახა დაღებული დარჩები! თუ უცაბედად ცხრიანი მოგხვდა ხელში, -- გაგებითურებს და თითონ რვიანს გადაგიშლის!.. სერიოა! კიდევ ყოფილა რალაცა „მაზუნების ბრანდერები“, აუ „ბრანდერების მაზუნები“! იცი, როგორ არის მარა მგონია ქე იცი! შენც ქე გიყვარს ხანდახან ჩაკარტოენიკება... დედა, რაც მე იმაზე ვიცი! . ჰო და ეს „ბრანდერი“ უცხო სიტყვა უნდა იყოს.. როცა წაამაზებს, თუ წააგო, ისე გაგებარება, -- აქ აღამიანის ნასახი იყოფო, ვერ იტყვი... ჩვენებურათ აპას „გაპარის“ ვეტყვიო.

დილამდი იქ დავრჩი. ჯარიმა არ გადამიხდია ერთი ხვიშტი. როცა მამასახლისი შემოვიდა ჟურნალით ჯარიმების ჩასაწერად, ყველა გაიპარა... მეც თან გავყვი... მამასახლისმა მიიხედ-მოიხედა, არავინ იყო, -- გაბრუნდა... ჩვენც შემოვიპარეთ და დავსხედით.

მეორე დღეს ქალაქში გამოვედი. გავიხედე, ხალხი საითკენღაც მირბის. ხალხი, მაგრამ რა ხალხი! აუარება!.. დიდი, პატარა, ქალი, კაცი, მოხუცი და ახალგაზდა... ვაქრებს მალაზიები დაეკეტნათ, მოხელეთ სამსახურისათვის თავი დაენებებინათ, მოქიფეთ ღვინით საფე ბოთლები სუფრაზე მიეტოვებინათ, ქალებს ატირებული ბავშვები სახლებში დაეგდოთ და მირბოდნენ... მირბოდნენ და რალაცაზე გაცხარებით ბაასობდენ.

ვიკითხე -- სად მიეშურებიან მეთქი?
-- „დრამატიული საზოგადოების კრებაზე... გამგეობამ დაგვიბარა, -- მომავალი სეზონის საკითხი უნდა გადავწყვიტოთ...“

მეც ავედღენე.
შევედით დარბაზში. ვხედავ, სხედან გამგეობის ორი წევრი, სამი არტისტი, მიტროფანე და პავლე.

-- ბ-ბო! დაიწყო გამგეობის ერთმა წევრმა. გული იხარის, რომ ქუთაისის ქართველ საზოგადოებას ასე აინტერესებს ქართული თეატრის ბედობალი... ეს იქიდანა სჩანს, რომ დღევანდელი კრება ასე მრავალ-რიცხვოვანია... თუმცა ჩვენ აგვი-

რჩიეს ერთხმით: ზოგმა მიიღო სამი ხმა, ზოგმა -- ორი, ზოგმაც -- ერთი, უხმოთ არავინ აურჩევიათ... და მოგვანიკეთ სრული უფლება გვეწარმოებინა სეზონის საქმეები, მაგრამ ჩვენ მაინც აბეკასა და მზრუნველობას დაჩვეულნი, მოგმართავთ შეკითხვით: -- იყოს თუ არა წელს სეზონი ქუთაისში? თუმცა ფაქტურად გამგეობა აღარ არსებობს, მაგრამ რაკი ღვთის მოწყალებით ფიზიკურად ჯერ ცოცხლები ვართ, საჭიროთ დავინახეთ ამ კითხვით მოგმართოთ...

ივრიალა ქსამმა ტაშმა და დაგრგვინა სამმა ხმამ: „იყოს! იყოს!“

-- ბ-ბო! დაიწყო მეორე წევრმა. საზოგადოებამ უმრავლესობით გადასწყვიტა სეზონი იყოს, მაგრამ ნუ აპყვებით გრძნობას, ნუ აჩქარდებით, დაუცადოთ პეტრეს! საცაა მოვა და თავის აზრს გაგვიზიარებს.

ამის გაგონებაზე ყველას ხმა ჩაუწყდა. ვინ უნდა იყოს ასეთი რისხვა, პეტრე მეთქი, ვიფიქრე და უნებლიეთ კარებისკენ მივიხედე.

შემოვიდა პეტრე.

იცი ვინ არის ეს პეტრე? როგორ არ გაგიგონია, კაცო? აი, სარაჯიშვილთან ღვინის მკეთებელათ რომ იყო... რა ვიცი, რალაცებზე ქორაობენ: ღვინოები გაუფუჭდაო, თუ... ერთი სიტყვით, ავყია კაცები ამბობენ... ხომ იცი, მაგისტანა გამოჩენილ კაცს მტერი ბევრი ჰავს... რა ვიცი, ძმაო, რომ შეგხედე, შემეშინდა. ისეთია ჟინჯლილივით... რუმბივით მუცელი ჰკიღია და სარაჯიშვილის ფულებით გასუქებული მე ჯერ არავინ მინახავს! ამბობენ, იმ საქმის გამო ტფილისშიაც ვერ ჩადის სირცხვილითო, მაგრამ აქ, ქუთაისში ვინ რა იცი?! ამ სიშორეზე ვინ რას გაიგებს რომ გაიგონ კიდევ, რაში ეკითხებათ ქუთაისლებს, რომ ამისთანა დიდი საქმე დაღუპა პეტრემ. . თუ რამე ჩაიღინა იქვე დასტოვა... შენ ისა სთქვი, შეხედულობა ჰქონდეს კაცს რიხიანი, თორემ იმის ზნეობრივ მხარესთან რა საქმე გაქვს!.. ამიტომაც არის, რომ აქა პეტრეს ხელის გულზე ატარებენ... მთელი ქუთაისის ღერძი პეტრეა... მთელი ინტელიგენცია მის გრძელ წვერებზე ტრიალებს! თუ ბედმა ავტონომია მოგვანიქა, მე შენ გითხრა არა გვყავს საპრეზიდენტო კაცი! მარა, ამას შენებურათ ნუკი გამოაქვენებ საქვეყნოთ!.. ამას საიდულოთ გწერ და ჩვენს შორის უნდა დარჩეს...

ჰო და შემოვიდა პეტრე.



მ. ქორელი.

ყველამ სული განაბეს და პირში მიაჩერდენ.

— რას მიედებ-მოედებით! რას მიჰქარავთ? რის სეზონი, რა ცირკი, რის კომედია?! სამშობლო განსაცდელშია! ჯან ღონით სავსე ინტელიგენციამ, ათმა კაცმა უნდა იშრომით, ჩვენ შეგვაწუხოთ, ჯიბიდან ფულები ამოგვაცალოთ, რომ ეს მშვიერი არტისტები დააძლოთ? განა ცოტა საქმეა, რომ ამ ჯამბაზებზე არ დახარჯოთ თქვენი ენერგია? ქვეყანა იღუპება! ერი გადაგვარების გზაზე დგას, ხალხი შიმშილით იხოცება! იშრომეთ სამშობლოსათვის და არა გასართობებისთვის!.. მე თქვენი მუშაობა უნაყოფოთ მიმაჩნია და წინააღმდეგი ვარ!

გაფხვერილი პეტრე კრებიდან გავიდა.

„ვაშა! ვაშა! მიაძახეს ზურგში.“

— ბ-ბო! სეზონი აღარ იქნება! კრება დახურულია!

კრება დაიშალა.

ამ რიგად ქუთაისში სეზონი აღარ იქნება. თუმცა გამგეობის წევრები არსებობენ: სვამენ, სკამენ, კლუბში დადიან, ქალაქს თამაშობენ... მაგრამ გამგეობა მაინც აღარ არსებობს... არსებობს მხოლოდ გუცა!..

ასე დასრულდა, ძმაო ეშმაკო, ერთი კვირის ჩემი მოგზაურობა.


იცოდეთ ამას საიდუმლოთ გწერ და თუ შენი არ დაგიშლია და გამოგიქვეყნებია, შენგან ნაბოძები კუდი იყოს ძაღლის... კუდი, თუ კვლავ ერთი სიტყვა მოგწერო.

შენი კუდი.

გ მ ს ტ ა

ჭიათურა. ხელ ცოცხალს. წავიკითხეთ თქვენი წერილი „ჩემი გასაქირი“ და უნდა გამოგიტყდეთ ნაკლები გასაქირი არც ჩვენ გამოგვივლია მის წაკითხვაზე.

ბ-ნ კიდევ მოგწერს: როცა თქვენი ლექსის ბოლოზე ეშმაკმა ფსევდონიმი „კიდევ მოგწერ“ ამოიკითხა. გული შეუწუხდა და კინალამ სული განუტევა. ნუ დაგვღუპავთ, კიდევ ნულა მოგვწერო.



მასწავლებელი. ძიძიკაშვილო, განაგრძე შენი როლი... რაო? ვაკვეთილი გათავდაო!.. ჩამოუშვით ფარდა! ფარდა, ჩქარა!